



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Na osnovu člana 5. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 18/21 – Novi Prečišćeni tekst) Ministarstvo za boračka pitanja Kantona Sarajevo raspisuje

JAVNI OGLAS
za podnošenje zahtjeva za ostvarivanje dopunskih prava
porodica šehida i poginulih boraca, ratnih vojnih invalida
i demobiliziranih branilaca u Kantonu Sarajevo za 2022. godinu

I Podnošenje zahtjeva

Na ovaj Javni oglas zahtjeve mogu podnositi lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 18/21 – Novi Prečišćeni tekst); članovi porodica šehida, članovi porodica poginulih umrlih i nestalih branioaca, ratni vojni invalidi i članovi njihovih porodica, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, branioци, demobilizirani branioци, dobrovoljci, organizatori otpora, veterani i ratni vojni zarobljenici, kao lica zaslužna u odbrambeno – oslobodilačkom ratu sa područja Kantona Sarajevo, kao i mirnodopski vojni invalidi, koji ispunjavaju uslove propisane navedenim Zakonom, za ostvarivanje slijedećih prava:

1. Zdravstvena zaštita;
2. Medicinska rehabilitacija:
 - a) banjsko liječenje,
 - b) klimatsko liječenje;
3. Naknada putnih troškova i troškova za liječenje u inostranstvu;
4. Prava po osnovu preostale radne sposobnosti;
5. Prioritet u zapošljavanju;
6. Subvencioniranje kamata kredita za otvaranje radnih mjesta;
7. Prvenstvo upisa u obrazovne ustanove i besplatno školovanje;
8. Stipendiranje;
9. Uklanjanje arhitektonsko-urbanističkih barijera za ulazak i korištenje stana u invalidskim kolicima;
10. Oslobađanje obaveze plaćanja naknade za pogodnost za izgradnju porodične stambene zgrade;
11. Oslobađanje obaveze plaćanja naknade za dodijeljeno ili kupljeno gradsko građevinsko zemljište za izgradnju individualnog stambenog objekta za potrebe boraca-branitelja BiH;
12. Oslobađanje obaveze plaćanja naknade za uređenje građevinskog zemljišta:
 - a) nova individualna gradnja,
 - b) kolektivna gradnja;
13. Oslobađanje obaveze plaćanja naknade za pogodnost (rente) i posebne naknade u procesu legalizacije objekata izgrađenih bez odobrenja za građenje i građevina privremenog karaktera;
14. Pravo na izgradnju stana;
15. Dodjela sredstava za rješavanje stambenih potreba:
 - a) subvencioniranje kamata kredita za rješavanje stambenog pitanja,
 - b) jednokratna bespovratna sredstva (dodjela građevinskog materijala, izvođenje građevinskih radova i pružanje građevinskih usluga, udruživanje sredstava za kupovinu stambene jedinice);
16. Dodjela sredstava za održivi povratak;
17. Pravo na stan u vlasništvu ili dodjelu stana na korištenje;
18. Besplatna i povlaštena vožnja;
19. Naknada troškova dženaze - sahrane;
20. Podizanje nišana - nadgrobnog spomenika;

21. Pravo na mjesečna novčana primanja za nosioce najviših ratnih priznanja, ratne vojne invalide kojima je priznato pravo na dodatak za njegu i pomoć od strane drugog lica, nosioce „Partizanske spomenice 1941.“ i djecu šehida-poginulih borca-branitelja bez oba roditelja za vrijeme nezaposlenosti do zasnivanja radnog odnosa;
22. Prednost pri zakupu i otkupu poslovnog prostora pod jednakim uvjetima;
23. Pravo na besplatne obavezne udžbenike za redovno školovanje, školski pribor i užinu;
24. Prednost pri smještaju u đačke i studentske domove;
25. Prednost pri korištenju programa nadležnih zavoda za zapošljavanje;
26. Prioritetno pravo za rješavanje stambenog pitanja pod jednakim uvjetima;
27. Pravo na besplatni priključak na infrastrukturne mreže (voda i kanalizacija, el. energija, gas);
28. Pravo na dodjelu jednokratne novčane pomoći kroz:
 - a) plaćanje troškova vanrednog školovanja,
 - b) dodjelu prehrambenih i higijenskih artikala,
 - c) dodjelu novčanih sredstava za rješavanje socijalnih potreba,
 - d) plaćanje troškova stanarine,
 - e) pružanje novčane pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude, kao i članovima njihovih porodica;
29. Pravo dobitnika ratnih priznanja ili odlikovanja na obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti;
30. Pravo na obezbjeđenje ogrijeva;
31. Pravo na mjesečna novčana primanja za djecu ratnih vojnih invalida sa utvrđenim invaliditetom od 20 do 80% (dječiji dodatak);
32. Novčana egzistencijalna naknada demobiliziranim braniocima mlađim od 57 godina života;
33. Personalna asistencija za ratne vojne invalide – paraplegičare i ratne vojne invalide 100% I grupe kojima je priznato pravo na dodatak za njegu i pomoć drugog lica.

Sva navedena prava se ostvaruju na način i pod uslovima utvrđenim navedenim Zakonom i podzakonskim aktima (datum prijave u Kanton Sarajevo, status boračke kategorije i drugo).

II Mjesto podnošenja zahtjeva

Za priznavanje i ostvarivanje prava navedenih u tački I pod rednim brojevima: 1., 2., 4., 9., 10., 12.a), 13, 18., 19., 21., 31., 32. i 33. zahtjevi se podnose općinskoj službi za boračko-invalidsku zaštitu, prema mjestu prebivališta, koja donosi odgovarajuća rješenja.

Za priznavanje i ostvarivanje prava u tački I pod rednim brojem 12.b) zahtjeve za refundaciju sredstava Ministarstvu za boračka pitanja Kantona Sarajevo (u daljem tekstu: Ministarstvo) podnose Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe i drugi pravni subjekti koji grade na lokacijama koje su općinskim odlukama predviđene za kolektivnu izgradnju za boračku populaciju, u ime krajnjeg kupca.

Za priznavanje i ostvarivanje prava navedenih u tački I pod rednim brojem 14. zahtjevi se podnose Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (ul. Hivzi Bjelevca br.54, 71000 Sarajevo), uz prethodnu preporuku Ministarstva.

Za priznavanje i ostvarivanje prava navedenih u tački I pod rednim brojem 20. i 29. (obezbjeđenje ukopnog mjesta u "Aleji veterana" na groblju Vlakovo ili na nekoj drugoj lokaciji predviđenoj za ove namjene) zahtjevi se podnose JU „Fond Memorijala Kantona Sarajevo“ (ul. Širokac br.22, 71000 Sarajevo).

Za priznavanje i ostvarivanje prava navedenih u tački I pod rednim brojem 25. zahtjevi se podnose nadležnoj službi za zapošljavanje, prema mjestu prijave u evidenciju nezaposlenih.

Za priznavanje i ostvarivanje prava navedenih u tački I pod rednim brojevima: 8. i 23. zahtjevi se podnose Fondu Kantona Sarajevo za stipendiranje i školovanje djece boraca, poginulih boraca i poginulih civila-žrtava rata „IKRE“ (ul. Terezije bb, 71000 Sarajevo).

Za odobravanje i ostvarivanje ostalih prava navedenih u tački I pod rednim brojevima: 3., 5., 6., 11., 15., 16., 17., 22., 24., 26., 27., 28. i 30. zahtjevi se podnose Ministarstvu za boračka pitanja (ul. Reisa Dž. Čauševića br.1, 71000 Sarajevo).

Pravo navedeneno u tački I pod rednim brojem 7. ostvaruje se putem srednjoškolskih i visokoškolskih ustanova u Kantonu Sarajevo.

III Rok podnošenja zahtjeva

- Zahtjevi za prava iz tačke I navedena pod rednim brojevima: 1., 2., 3., 4., 5., 7., 9., 10., 12., 13., 14., 17., 18., 19., 20., 21., 22., 23., 24., 25., 26., 27., 28.a), c), d) i e), 29., 31., 32. i 33. podnose se kontinuirano tokom godine, a u zavisnosti od raspoloživih namjenskih budžetskih sredstava;
- Zahtjevi za prava iz tačke I navedena pod rednim brojevima: 6., 11., 15., 16., 28.b) i 30. podnose se po posebno objavljenim Javnim pozivima - oglasima Ministarstva;
- Zahtjevi za pravo iz tačke I pod brojem 8. za dodjelu stipendije Ministarstva za boračka pitanja za školsku 2022/2023. godinu se podnose po objavljenom Javnom pozivu Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata „IKRE“, a za stipendije Fonda „IKRE“ zahtjevi se podnose kontinuirano.

Svi zahtjevi koji se podnose po posebno objavljenom Javnom pozivu - oglasu će se rješavati, odnosno odobravati samo ako su podnešeni u roku predviđenom Javnim pozivom - oglasom.

Kod zahtjeva koji se podnose kontinuirano, prilikom rješavanja će se pored opravdanosti zahtjeva uvažavati i datum podnošenja zahtjeva, a Ministarstvo zadržava pravo da prema broju podnesenih zahtjeva i predviđenim budžetskim sredstvima za realizaciju ograniči ili obustavi dalji prijem zahtjeva.

IV Sredstva za finansiranje prava

Sredstva za finansiranje navedenih prava su planirana u Budžetu Kantona Sarajevo za 2022. godinu. Obim ostvarivanja prava iz tačke I ovog Javnog oglasa zavisiće od odobrenih i raspoloživih budžetskih sredstava.

Obrasci za podnošenje zahtjeva za prava koja se ostvaruju u Ministarstvu mogu se preuzeti na info punktu Ministarstva (šalter sala Kantona Sarajevo) i na web stranici Ministarstva (<http://mbp.ks.gov.ba>).

Dodatne informacije mogu se dobiti na info punktu Ministarstva (šalter sala Kantona Sarajevo) ili putem telefona 033/562-273.

Napomena: Ukoliko dođe do izmjene propisa, odnosno gore navedenih prava, informacija o istom će biti objavljena na odgovarajući način.

Broj: 06-37-3099/22

Sarajevo, 07.02.2022. god.



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-012, Fax: + 387 (0) 33 562-251
 Web: <http://mbp.ks.gov.ba>, E-mail: mbp@mbp.ks.gov.ba

